

48/25

**BOSNA I HERCEGOVINA  
FEDERACIJA BIH  
ZENIČKO – DOBOJSKI KANTON  
GRAD ZENICA  
Služba za urbanizam**

582.

01

Broj: 03-19-1118/25  
Zenica, 24.01.2025. godine

**GRADONAČELNIKU GRADA ZENICA**

**PREDMET: Plan korištenja javnih površina  
na području grada Zenica za 2025. godine, dostavlja se**

U prilogu akta dostavljamo vam prijedlog Plana korištenja javnih površina na području grada Zenica za 2025. godinu radi uvrštavanja istog na dnevni red sjednice Gradskog vijeća Zenica.

Grafički prilog Plana nalazi se na USB koji takođe dostavljamo u prilogu ovog akta.

S poštovanjem,

**DOSTAVLJENO:**

**1 x Naslovu**

**1 x Spis**



**POMOĆNICA  
GRADONAČELNIKA**

**Lejla Brljevac dipl.ing.arh.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
Služba za urbanizam**

**OBRADIVAČ:  
1. Služba za urbanizam**

**PLAN  
KORIŠTENJA JAVNIH POVRŠINA  
NA PODRUČJU GRADA ZENICA ZA 2025. GODINU**

**Zenica, januar 2025. godine**

Na osnovu člana 21. tačka 10) Statuta Grada Zenica ("Službene novine Grada Zenica", broj: 5/15) i člana 8. stav (2) Odluke o privremenom korištenju javnih površina ( "Službene novine Grada Zenica", broj: 3/24) Gradsko vijeće Zenica, na \_\_\_\_\_ sjednici održanoj \_\_\_\_\_ 2025. godine, donijelo je

**PLAN  
KORIŠTENJA JAVNIH POVRŠINA  
NA PODRUČJU GRADA ZENICA ZA 2025. GODINU**

**I UVODNE ODREDBE**

**Član 1.**

(1) Plan korištenja javnih površina na području grada Zenica za 2025. godinu (u daljem tekstu: Plan), sadrži detaljno označene površine i lokacije na kojima se može vršiti privremeno zauzimanje javnih površina, kao i urbanističko-tehničke uslove i druge elemente potrebne za izdavanje odobrenja za zauzimanje javnih površina.

(2) Plan sadrži tekstualni i grafički dio.

(3) Tekstualni dio Plana sadrži bliži opis i broj lokacija koje se daju na korištenje sa sadržajem i namjenom koja će se obavljati na planiranim lokacijama.

(4) Grafički dio Plana sadrži prikaz planiranih lokacija za privremene objekte, odnosno namjene sa odgovarajućim oznakama i dimenzijama.

**Član 2.**

Plan je osnov za izdavanje odobrenja za privremeno korištenje javne površine u 2025. godini, za namjene koje su propisane članom 4. Odluke o privremenom korištenju javnih površina.

**Član 3.**

(1) Planom je predviđeno privremeno korištenje javne površine na području Grada Zenica za sljedeće namjene:

- a) postavljanje kioska do 20 m<sup>2</sup>,
- b) postavljanje ljetnih baštih ispred ugostiteljskih objekata,
- c) postavljanje slobodnostojećih ljetnih bašti,
- d) postavljanje zimskih baštih ispred ugostiteljskih objekata,
- e) postavljanje slobodnostojećih prodajnih stolova – tezgi ispred trgovinskih objekata za prodaju i izlaganje robe,
- f) postavljanje rashladnih uređaja (frižidera) za prodaju napitaka i sladoleda,
- g) postavljanje slobodnostojećih izložbenih ili prodajnih stola (pokretne tezge) za prodaju ukrasnih predmeta, bižuterije i slično, te prodaju pečenjarskih proizvoda i umjetničkih slika,
- h) postavljanje prodajnih stola povodom praznika (Nova godina, Osmi mart, vjerski praznici),
- i) postavljanje dječije igraone - trampoline,
- j) postavljanje reklamnih objekata (panoi tipa „jumbo“, „city light“ i slično).

(2) Za postavljanje bina za manifestaciju ili za događaj koji se održava na području grada, kao i za drugu namjenu, utvrđenu Odlukom o privremenom korištenju javnih površina, a koja nije obuhvaćena ovim planom, Služba za urbanizam može odobriti korištenje javne površine na osnovu važećih propisa.

**Član 4.**

Područje grada Zenica u pogledu korištenja javnih površina dijeli se na Ekstra zonu, I-a zonu, I, II i III zonu:

- a) Ekstra zona obuhvata područje ulica Maršala Tita, Muhameda Seida Serdarevića, Stara čaršija, Trg Alije Izetbegovića, uključujući i plato kina „Ekran“, Talića brdo, Londža i Bulevar Ezhera Eze Arnautovića (dio od spoja sa ulicom Talića brdo do spoja sa ulicom Jevrejska),
- b) I-a zona obuhvata područje ulica Sarajevska (dio od početka ulice do „Bojina vira“), Armije BiH, Islambegovića put, Dr. Safvet bega Bašagića, Kučukovića put, Mehmedalije Tarabara, Masarykova, Školska, Branilaca Bosne, Dr. Abdulaziza Aska Borića, Bulevar Kulina Bana, Bulevar Kralja Tvrtka I, Fra Ivana Jukića, Fra Grge Martića i Bulevar Ezhera Eze Arnautovića (izuzev dijela koji je obuhvaćen Ekstra zonom).
- c) Prva, druga i treća zona određene su granicama zonske podjele građevinskog zemljišta propisane odredbom člana 9. Odluke o građevinskom zemljištu Grada Zenica („Službene novine općine Zenica“, broj: 4/07, 2/08-prečišćen tekst, 5/08, 1/10, 2/11, 2/13 i 1/14 i „Službene novine Grada Zenica“, broj: 2/15, 2/16, 3/17, 2/18 i 1/20), s tim da su iz tih zona izuzete ulice koje su obuhvaćene Ekstra i I-a zonom.

## **II POSTAVLJANJE MONTAŽNIH OBJEKATA TIPA „KIOSK“**

### **Član 5.**

(1) Kiosk je montažno-demontažni, lako prenosivi objekat, koji se ne može zidati, već samo postaviti na određenu lokaciju na javnoj površini i na tom mjestu finalizirati montažom dodatnih elemenata, minimalnim radovima na izradi podloge i priključiti na komunalnu infrastrukturu.

(2) Planom se zadržavaju lokacije za postojeće kioske i planira pet novih lokacija za postavljanje tipskih kioska u ulicama Crkvice, Armije BiH, Prve zeničke brigade, Željeznička i Travnička, a koje će se dodjeljivati na osnovu javnog oglasa – putem postupka javnog nadmetanja i to za namjenu obavljanja djelatnosti prodaje štampe i duhanskih proizvoda.

*Lokacije planiranih kioska prikazane su na grafičkom prilogu broj 1.*

## **III POSTAVLJANJE LJETNE BAŠTE ISPRED UGOSTITELJSKOG OBJEKTA**

### **Član 6.**

(1) Ispred ugostiteljskih objekata radi pružanja ugostiteljskih usluga na otvorenom prostoru dozvoljava se postavljanje stolova i stolica i formiranje ljetne bašte na javnoj površini u periodu trajanja „ljetne sezone“ od 01.04. do 30.09.2025. godine.

(2) Zahtjev za privremeno korištenje javne površine za postavljanje ljetne bašte može se podnijeti Službi za urbanizam do 28.02.2025. godine, izuzev zahtjeva koji se odnosi za postavljanje ljetne bašte novoformiranog ugostiteljskog objekta.

(4) Zbog povoljnijih vremenskih prilika, izuzetno se može produžiti trajanje ljetne sezone do 15.11. 2025. godine, te su u tom slučaju utvrđuje obaveza podnošenja zahtjeva za zadržavanje lokacije ljetne bašte, Službi za urbanizam najkasnije do 20.09.2025. godine.

### **Član 7.**

(1) Broj lokacija za postavljanje ljetnih bašti je promjenljiv i iste su podijeljene u zone definisane članom 4. Plana.

(2) Planom se posebno utvrđuju dimenzije i opremanje ljetnih bašti u Ekstra zoni i I-a zoni.

### **Član 8.**

(1) Ljetne bašte ispred ugostiteljskih objekata u sklopu „Stare čaršije“ moguće je planirati u okviru građevinske linije isključivo ispred (u frontu) ugostiteljskog objekta.

(2) Postavljanje ljetne bašte na ostalim lokacijama ispred ugostiteljskih objekata na području grada određuje se prema urbanističko-tehničkim uslovima Službe za urbanizam.

(3) Ljetne bašte ispred ugostiteljskih objekata koje se nalaze u sklopu stambeno poslovnih objekata mogu biti natkrivene PVC hidroizolacijskom membranom i slično.

(4) Postavljanje ljetne bašte ispred novoformiranih ugostiteljskih objekata, koji su započeli sa radom nakon donošenja ovoga plana, određuje se prema urbanističko-tehničkim uslovima Službe za urbanizam, u skladu sa lokacijom, prostornim mogućnostima i općim odredbama za postavljanje ljetnih bašti.

(5) Proširenje ljetne bašte u odnosu na dimenzije utvrđene u Grafičkom prilogu koji čini sastavni dio Plana, može se omogućiti izuzetno, ako postoje urbanističko-tehnički uslovi za proširenje ljetne bašte na javnu površinu.

#### **Član 9.**

(1) Ljetne bašte u Ekstra zoni i I-a zoni opremaju se jednoobraznim urbanim mobilijarom (stolovi i stolice), koje moraju biti moderno dizajnirane i izrađene od savremenih materijala.

(2) U ljetnim baštama mogu se postaviti suncobrani, koji mogu biti četvrtasti, slobodnostojeći, jednoobrazni, u crvenoj, sivoj, bež ili bijeloj boji i koji mogu imati reklamu samo po obodu ili tende koje mogu biti u crvenoj, sivoj, bež ili bijeloj boji i mogu imati reklamu po obodima na maksimalno 10% površine tende na donjem rubu i u dimenzijama koje propiše Služba za urbanizam.

(3) Postavljeni i otvoreni suncobrani odnosno tende, mogu natkrivati samo tlocrtnu površinu ukupne površine odobrene ljetne bašte, bez zatvaranja bočnih vertikalnih strana.

#### **Član 10.**

(1) Na ravnom terenu elementi ljetne bašte postavljaju se direktno na teren, bez podnih platformi, bez ikakvog oblaganja ili postavljanja itisona, odnosno sličnih pokrivala.

(2) Na terenu koji je u nagibu površina za upotrebu treba da ima podnu platformu od montažno - demontažnih elemenata sa završnom obradom od drveta ili sintetičkih materijala (WPC).

(3) Prostor koji se koristi za postavljanje stolova može se ograditi transparentno do visine stolova samo ukoliko je postavljena podna platforma, a iznimno u svrhu estetskog oblikovanja za ograđivanje se mogu koristiti žardinjere.

*Lokacije i dimenzije ljetnih bašti prikazane su na grafičkom prilogu broj 2.*

### **IV POSTAVLJANJE SLOBODNOSTOJEĆIH LJETNIH BAŠTI**

#### **Član 11.**

(1) Slobodnostojeće ljetne bašte postavljaju se radi pružanja ugostiteljskih usluga na slobodnim otvorenim površinama i nisu direktno vezane za određeni ugostiteljski objekat.

(2) Dodjela lokacija za postavljanje slobodnostojećih ljetnih bašti vršit će se na osnovu javnog oglasa putem postupka javnog nadmetanja.

(3) Planom su utvrđene četiri slobodnostojeće ljetne bašte.

(4) Lokacije planiranih slobodnostojećih ljetnih bašti označene na tabelarnom pregledu pod rednim brojem: 1., 2. i 3. nalaze se na dijelu platoa „Kameni spavač“, a pod rednim brojem 4. na dijelu platoa do stambeno – poslovnog objekta u dijelu do „ASA BANKA“.

#### **Član 12.**

(1) Slobodnostojeće ljetne bašte opremaju se jednoobraznim urbanim mobilijarom (stolovi i stolice), koje moraju biti moderno dizajnirane, izrađene od savremenih materijala.

(2) U slobodnostojećim ljetnim baštama mogu se postaviti suncobrani koji mogu biti četvrtasti, slobodnostojeći, jednoobrazni u crvenoj, sivoj, bež ili bijeloj boji, koji mogu imati reklamu samo po obodu.

(3) U slobodnostojećim ljetnim baštama nije predviđeno postavljanje mobilnog šanka i opreme za držanje pića.

**Tabelarni prikaz slobodnostojećih ljetnih bašti:**

BR	VRSTA OBJEKTA	LOKACIJA	POVRŠINA (m <sup>2</sup> )
1.	Slobodnostojeća ljetna bašta (slobodna)	Dio platoa „Kameni spavač“	146,00
2.	Slobodnostojeća ljetna bašta (slobodna)	Dio platoa „Kameni spavač“	85,00
3.	Slobodnostojeća ljetna bašta(slobodna)	Dio platoa „Kameni spavač“	100,00
4.	Slobodnostojeća ljetna bašta(slobodna)	Dio platoa do „ASA BANKE“	75,00

*Lokacije slobodnostojećih ljetnih bašti prikazane su na grafičkom prilogu broj 3.*

**V POSTAVLJANJE ZIMSKIH BAŠTI ISPRED UGOSTITELJSKIH OBJEKATA**

**Član 13.**

(1) Sezona zimskih bašti u 2025. godini traje od 01.10.2025. do 31.03.2026. godine.

(2) Planom je odobreno je postavljanje 34 zimske bašte i to:

- 28 na postojećim lokacijama
- šest (6) na novim lokacijama.

(3) Proširenje zimske bašte u odnosu na dimenzije utvrđene u Grafičkom prilogu koji čini sastavni dio Plana, može se omogućiti izuzetno, ako postoje urbanističko-tehnički uslovi za proširenje zimske bašte na javnu površinu.

**Član 14.**

(1) Postavljanje novih zimskih bašti ispred objekata u kojima se obavlja ugostiteljska djelatnost za sezonu 2026/2027 vrši se na osnovu podnesenih zahtjeva vlasnika ugostiteljskih objekata do 15.10.2025. godine.

(2) Zimska bašta je montažnog tipa, čelične konstrukcije, obložena AL profilima, zatvorena kliznim staklenim stijenama, uz upotrebu svih savremenih materijala sa aspekta obrade enterijera i eksterijera. Krov bašte može biti pomični ili fiksni od materijala kao što su PVC, PVC hidroizolacijska membrana, staklo, impregnirana platna i slično. Zimska bašta uglavnom zauzima prostor ljetne bašte – ispred ugostiteljskog objekta, naslonjena na njega ili kao odvojeni (samostalni objekat). Ako se bašta naslanja na objekat, zavisno od lokacije dužina iste je u dužini ugostiteljskog objekta, a širinu bašte prilagoditi uslovima na terenu.

**Tabelarni pregled postojećih zimskih bašti:**

RB	LOKACIJA	POVRŠINA (m <sup>2</sup> )	ZONA	LOKACIJA ZIMSKE BAŠTE PREMA VRSTI OBJEKTA U KOJEM SE OBAVLJA UGOSTITELJSKA DJELATNOST	
				Poslovni prostor	Privremeni montažni objekat
1.	Trg Alije Izetbegovića („Ena“)	24,16	E zona		*

2.	Trg Alije Izetbegovića („Zara“)	29,30	E zona		*
3.	Trg Alije Izetbegovića („Venecia“)	58,50	E zona		*
4.	Trg Alije Izetbegovića („Collegium garden“)	89,44	E zona	*	
5.	Londža („Yumbo“)	36,25	E zona		*
6.	Londža („Lađana“)	21,00	E zona		*
7.	Bulevar kralja Tvrtka I („Viva“)	46,35	I-a zona		*
8.	Bulevar kralja Tvrtka I („Inn Macchiato“)	17,60	I-a zona	*	
9.	Safvet bega Bašagića („Kec“)	40,00	I-a zona		*
10.	Armije BiH („Passage“)	24,64	I-a zona	*	
11.	Masarykova („MC Milano“)	65,00	I-a zona	*	
12.	Fra Ivana Jukića („Company Zara“)	39,85	I-a zona		*
13.	Dr A. Aska Borića („Beny“)	18,56	I-a zona		*
14.	Dr A. Aska Borića („Kaktus“)	24,00	I-a zona		*
15.	Dr A. Aska Borića („Klopa“)	29,00	I-a zona		*
16.	Dr A. Aska Borića („Salčinović“)	45,00	I-a zona	*	
17.	Uzunovića put („Piccolo“)	37,85	I zona	*	
18.	Travnička cesta („Mega food“)	18,00	I zona		*
19.	Bistua Nuova („Derby“)	53,40	I zona		*
20.	Bistua Nuova („Essen“)	6,60	I zona	*	
21.	Juraja Neidharta („Trend“)	25,55	II zona	*	
22.	Sarajevska („Veni“)	47,27	I-a zona	*	
23.	Crkvice („EON_B“)	16,50	II zona	*	
24.	Bulevar Kralja Tvrtka I („ZS“)	48,00	I-a zona	*	
25.	Fra Grge Martića („GREEN GRASS“)	35,04	I-a zona	*	
26.	Sarajevska (Club EE)	16,80	I-a zona	*	
27.	Trg rudara 2 (ćevabdžinica „Merdanović“ )	54,78	I-a zona	*	

28.	Travnička cesta 40 (Caffe bar „Casablanka“)	30,60	I zona	*	
29.	Armije BiH (fast food „BORDO“)	21,60	I-a zona	*	
30.	Dr Abdulaziza Aska Borića (Restoran Gold)	34,65	I-a zona	*	
31.	Bulevar E. Eze Arnautovića (caffe bar „Anonimus“)	97,90	I-a zona		*
32.	Bulevar E. Eze Arnautovića (caffe bar A&T Logistis)	97,90	I-a zona		*
33.	Dobrovoljnih davalaca krvi (caffe bar „Balgera“)	48,00	II zona	*	
34.	Bulevar E. Eze Arnautovića (caffe bar „Infinity“)	70,00	I-a zona		*

*Lokacije postojećih zimskih bašti prikazane su na grafičkom prilogu broj 4.*

## **VI POSTAVLJANJE SLOBODNOSTOJEĆIH PRODAJNIH STOLOVA - TEZGI ISPRED TRGOVINSKIH OBJEKATA ZA PRODAJU I IZLAGANJE ROBE**

### **Član 15.**

(1) Prodajni slobodnostojeći sto ili pokretna tezga je tipski, otvoreni, lako pokretni objekat namijenjen za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje ili prodaju cvijeća, voća i povrća.

(2) Postavljanje tezgi ispred poslovnih prostora vrši se prema urbanističko-tehničkim uslovima koje izdaje Služba za urbanizam.

(3) Postavljanje tezgi vrši se frontalno cijelom dužinom poslovnog prostora u širini od maksimalno 1,0 m, pod uslovom da isti ne ugrožavaju saobraćaj i kretanje pješaka.

## **VII POSTAVLJANJE PRODAJNIH STOLOVA (POKRETNIH TEZGI) ZA PRODAJU UKRASNIH PREDMETA, BIŽUTERIJE I SLIČNO, TE PRODAJA PEČENJARSKIH PROIZVODA I UMJETNIČKIH SLIKA**

### **Član 16.**

(1) Samostojeći sto ili pokretna tezga je tipski, otvoreni, lako pokretni objekat za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje i prodaju robe.

(2) Uz prodajni sto može se postaviti suncobran u bijeloj, bež ili sivoj boji, bez natpisa.

(3) Postavljanje samostojećih stolova za prodaju ukrasnih predmeta, bižuterije i slično, te prodaja pečenjarskih proizvoda i umjetničkih slika, vrši se prema urbanističko-tehničkim uslovima koje izdaje Služba za urbanizam.

(4) Planirano je 24 lokacije za postavljanje samostojećih stolova za namjene iz stava (3) ovog člana.

*Postavljanje samostojećih stolova za prodaju ukrasnih predmeta, suvenira, bižuterije, knjiga i slično:*

<b>RB</b>	<b>LOKALITET</b>	<b>BROJ</b>
1.	Trotoar na Trgu Alije Izetbegovića (prema objektu „Kineski zid“)	6



2.	Trotoar ulice Londža (preko puta stambeno-poslovnog objekta „Maksuzija“)	3
3.	Trotoar ulice Dr.Abdulaziza Aska Borića (preko puta parka „Papirna“)	3
<b>U K U P N O :</b>		<b>12</b>

***Postavljanje uređaja za pečenje pečenjarskih proizvoda:***

<b>RB</b>	<b>L O K A L I T E T</b>	<b>BROJ</b>
1.	Plato „Kameni spavač“	2
2.	Kamberovića polje	5
3.	Uz šetnicu Babina rijeka	2
<b>U K U P N O :</b>		<b>9</b>

***Izlaganje i prodaja umjetničkih slika:***

<b>RB</b>	<b>L O K A L I T E T</b>	<b>BROJ</b>
1.	Trg Alije Izetbegovića (uz bočnu fasadu stambeno-poslovnog objekta u dijelu koji pripada prodavnici „DM“)	1
2.	Ulica Maršala Tita uz objekat RK „Zeničanka“	1
3.	Ulica Maršala Tita ( do Kamenog mosta)	1
<b>U K U P N O :</b>		<b>3</b>

***Lokacije slobodnostojećih stolova za prodaju prikazane su na grafičkom prilogu broj 5.***

**VIII POSTAVLJANJE RASHLADNIH UREĐAJA (FRIŽIDERA) ZA PRODAJU NAPITAKA I SLADOLEDA**

**Član 17.**

Postavljanje rashladnih uređaja (frižidera) za prodaju napitaka i sladoleda, vrši se prema urbanističko-tehničkim uslovima koje izdaje Služba za urbanizam i to frontalno ispred poslovnog prostora (kioska) u širini od maksimalno 1,0 m, pod uslovom da takvi uređaji ne ugrožavaju saobraćaj i kretanje pješaka po trotoarima.

**IX POSTAVLJANJE PRODAJNIH STOLOVA POVODOM PRAZNIKA**

**Član 18.**

***Nova godina***

(1) Period korištenja javne površine za prodaju proizvoda kućne radinosti, suvenira, bižuterije, za novogodišnje praznike je od 15.12.2025. do 15.01.2026.godine.

(2) Planom je predviđeno 26 prodajnih mjesta za novogodišnje praznike na lokalitetima, kako je prikazano u tabeli:

<b>RB</b>	<b>LOKACIJE ZA NOVU GODINU</b>	<b>BROJ</b>
1.	Trg Alije Izetbegovića ( plato,„Stara pijaca“)	5
2.	Ulica Londža (kod OŠ „Edhem Mulabdić“)	5
3.	Ulica Dr. Abdulaziza Aska Borića (preko puta parka „Papirna“)	10
4.	Bulevar Kulina bana (plato ispred stambeno-poslovnog objekta „Lamela“)	2

5.	Ulica Masarykova (plato ispred objekta „Pošte“)	2
6.	Ulica Blatuša (plato ispred samoposluge „Best“)	2
<b>U K U P N O:</b>		<b>26</b>

#### ***Osmi mart***

(3) Period korištenja javne površine za prodaju proizvoda kućne radinosti, suvenira, bižuterije i cvijeća za osmomartovske praznike je od 06.03. do 09.03.2025. godine.

(4) Planom su predviđena 34 prodajna mjesta za 8. mart na lokalitetima, kako je prikazano u tabeli:

<b>RB</b>	<b>LOKACIJE ZA 8. MART</b>	<b>BROJ</b>
1.	Trg Alije Izetbegovića ( plato „Stara pijaca“)	5
2.	Trg Alije Izetbegovića (od objekta „DM“-a do „Kamenog spavača“)	8
3.	Ulica Londža (kod OŠ „Edhem Mulabdić“)	5
4.	Ulica Dr. Abdulaziza Aska Borića (preko puta parka „Papirna“)	10
5.	Bulevar Kulina Bana (plato ispred stambeno-poslovnog objekta „Lamela“)	2
6.	Ulica Masarykova (plato ispred objekta „Pošte“)	2
7.	Ulica Blatuša (plato ispred samoposluge „Best“)	2
<b>U K U P N O:</b>		<b>34</b>

#### ***Vjerski praznici***

(5) Period korištenja javne površine za prodaju proizvoda kućne radinosti, suvenira, bižuterije i cvijeća za vjerske praznike će se prilagoditi datumu praznika.

(6) Predviđeno je 16 prodajnih mjesta za vjerske praznike na lokalitetima kako je prikazano u tabeli:

<b>RB</b>	<b>LOKACIJE ZA VJERSKE PRAZNIKE</b>	<b>BROJ</b>
1.	Trg Alije Izetbegovića (plato „Stara pijaca“)	3
2.	Ulica Ivana Gundulića (plato gradske kapele)	9
3.	Ulica Ivana Gundulića (kapija II gradskog groblja „Crkvice“)	2
4.	Ulica Prašnice (kapija gradskog groblja „Prašnice“)	2
<b>U K U P N O:</b>		<b>16</b>

*Lokacije planiranih prodajnih stolova povodom praznika prikazane su na grafičkom prilogu broj 6.*

## **X POSTAVLJANJE DJEČIJE IGRAONE – TRAMPOLINE**

### **Član 19.**

(1) Za postavljanje dječije igraone na napuhivanje planirana je jedna lokacija sa sjeverozapadne strane poslovnog objekta RK „Bosna“.

(2) Period korištenja je od 01.05. do 30.09.2025. godine.

*Lokacija planirana za postavljanje dječije igraone-trampoline prikazana je na grafičkom prilogu broj 7.*

## XI POSTAVLJANJE REKLAMNIH OBJEKATA

### Član 20.

(1) Reklamni objekti – rasvjetni reklamni stub i pano tipa „led bilbord“, „jumbo pano“ i „city light“ postavlja se na javnu površinu, a dodjela lokacija za postavljanje ovih panoa vrši se na osnovu javnog oglasa putem javnog nadmetanja.

(2) Planom je predviđeno ukupno 53 lokacija za postavljanje reklamnih panoa.

#### Tabelarni pregled:

RB	VRSTA REKLAMNOG PANOVA	BROJ
1.	City light	20
2.	Jumbo panoi	27
3.	Led bilbord	4
4.	Okrugli rasvjetni reklamni stub	2
U K U P N O:		53

(3) Izuzetno, može se odobriti privremeno postavljanje opreme za javno oglašavanje na mjestima koja nisu određena ovim planom, kao i odrediti mjesta za slobodno plakatiranje, ako postojeći objekti ne zadovoljavaju povećanu potrebu za oglašavanjem, a na osnovu urbanističko-tehničkih uslova koje određuje Služba za urbanizam.

*Lokacije planirane za postavljanje reklamnih panoa prikazane su na grafičkom prilogu broj 8.*

## XII ZAVRŠNE ODREDBE

### Član 21.

Naknada za privremeno korištenje javne površine obračunat će se i plaćati prema odredbama člana 24. Odluke o privremenom korištenju javne površine i Tarifnika o visini naknade za korištenje javnih površina („Službene novine Grada Zenica“ broj 3/24).

### Član 22.

Privremeni objekti koji su postavljeni u ulici Trg Alije Izetbegovića u periodu važenja ovog plana mogu zadržati lokaciju sve do početka radova na uređenju ulice Trg Alije Izetbegovića.

### Član 23.

Plan korištenje javnih površina na području grada Zenica za 2025. godinu stupa na snagu danom donošenja, a objaviće se u „Službenim novinama Grada Zenica“.

Broj: \_\_\_\_\_

Zenica, \_\_\_\_\_ 2025. godine

**PREDSJEDAVAJUĆA  
GRADSKOG VIJEĆA ZENICA**

**Snježana Vrhovac**

## Obrazloženje

### I Pravni osnov

Pravni osnov za donošenje Plana korištenja javnih površina na području Grada Zenica za 2025. godinu sadržan je u članu 8. stav (2) Odluke privremenom korištenju javnih površina („Službene novine Grada Zenica“ broj 3/24) kojom je propisano da Gradsko vijeće na prijedlog Gradonačelnika donosi Plan korištenja javnih površina, te da je obrađivač Plana nadležna služba za poslove urbanizma.

Statutarni osnov predstavlja odredba člana 21. tačka 10) Statuta Grada Zenica ("Službene novine Grada Zenica", broj: 5/15) kojom je regulisano da je Gradsko vijeće nadležno za donošenje plana korištenja javnih površina.

### II Razlozi za donošenje Plana

Privremeno korištenje, odnosno zauzimanje gradskih javnih površina regulisano je Odlukom o privremenom korištenju javnih površina i Odlukom o komunalnom redu („Službene novine općine Zenica“, br. 7/11 i 2/13).

Gradsko vijeće Zenica na 43. sjednici održanoj dana 22.04.2024. godine je usvojilo Odluku o privremenom korištenju javnih površina („Službene novine Grada Zenica“ broj 3/24), te je predloženi Plan sačinjen u skladu sa Odlukom.

### III Obrazloženje pojedinih rješenja

Ovim planom definišu se sljedeća pojedina rješenja:

**Članom 1.** - utvrđen sadržaj Plana sa naznakom da se isti sastoji od tekstualnog i grafičkog dijela sa opisom sadržaja.

**Članom 3.**- utvrđene namjene za koje se može odobriti privremeno korištenje javnih površina, s tim da je utvrđeno da će Služba za urbanizam na osnovu važećih propisa odobriti korištenje javnih površina za namjene koje su definisane članom 4. Odluke, a za namjene koje nisu obuhvaćene ovim planom, Služba može odobriti korištenje samo na osnovu važećih propisa.

**Članom 4.** – utvrđene zone u pogledu korištenja javnih površina.

**Članom 5.**- definiše se način postavljanja tipskih kioska do 20 m<sup>2</sup>. Planom je predviđeno zadržavanje lokacije postojećih kioska i pet novih lokacije za postavljanje kioska za prodaju štampe i duhanskih proizvoda, koji će se dodjeljivati na osnovu javnog oglasa putem postupka javnog nadmetanja.

**Članom 6.** - utvrđen period trajanje ljetne sezone za postavljanje „ljetnih bašti“, rok podnošenja zahtjeve za korištenje javne površine za namjenu postavljanja „ljetne bašte“, mogućnost produženja perioda trajanja ljetne sezone, kao i rok za podnošenje zahtjeva u slučaju produženja perioda ljetne sezone.

**Članovima od 7. do 10.** - utvrđen način postavljanja ljetnih bašti i opremanje urbanim mobilijarom. Broj ljetnih bašti koje se nalaze ispred ugostiteljskih objekata je promjenljiv u zavisnosti od podnesenih zahtjeva vlasnika ugostiteljskih objekata.

**Članom 11. i 12.** - utvrđen način postavljanja slobodnostojeće ljetne bašte, broj i lokacije istih, kao i način opremanja istih urbanim mobilijarom.

**Članom 13. i 14.** - utvrđen vremenski period trajanja sezone zimskih bašti, rok podnošenje zahtjeva, mogućnost proširenja zimske bašte, broj zimskih bašti, tabelarni pregled broja zimskih bašti sa naznakom lokacije, zone kojoj pripadaju i vrste ugostiteljskog objekta. U odnosu na Plan iz 2024.

godine, broj zimskih bašti na postojećim lokacijama je ostao isti, a pet je planirano na novim lokacijama.

**Članovima od 15. do 18.** - utvrđen period korištenja javnih površina kao i lokacije za postavljanje prodajnih stolova – tezgi i rashladnih uređaja, prodaju ukrasnih predmeta, cvijeća i pečenjarskih proizvoda, izlaganje i prodaju umjetničkih slika, te prodaju proizvoda kućne radinosti, suvenira, bižuterije za novogodišnje praznike, osmomartovske i vjerske praznike.

**Članom 19.** - utvrđena lokacija za postavljanje dječije igraone na napuhivanje (trampoline) te naveden period korišćenja ove lokacije.

**Članom 20.** - utvrđen način postavljanja reklamnih objekata (panoi tipa „jumbo“, „city light“ i slično) i ukupan broj lokacija za postavljanje reklamnih panoa.

**Članom 21.** - utvrđeno da će se naknada za privremeno korištenje javne površine obračunavati i plaćati prema odredbi člana 24. Odluke o privremenom korištenju javnih površina i Tarifnika o visini naknade za korištenje javnih površina ( "Službene novine Grada Zenica", broj: 3/24).

**Članom 22.** - utvrđeno da privremeni objekti u ulici Trg Alije Izetbegovića u periodu važenja ovog plana mogu zadržati lokaciju sve do početka izvođenja radova na uređenju ulice Trg Alije Izetbegovića, s obzirom da je rekonstrukcija ove ulice planirana u toku tekuće godine.

#### **IV Finansijska sredstva**

Za provođenje ovog plana nisu potrebna posebna finansijska sredstva.

Služba za urbanizam